



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Caput IX. Idem (a) In Concilio generali.

---

[urn:nbn:de:hbz:466:1-74526](#)

## N O T A E.

1. (a) *Ferrariensis.*] Ita etiam legitur in tertia collectione, *sub hoc tit. cap. 6.* Hugoni videlicet, vel Roialdo, qui ambo floruerunt in Ecclesia Ferrarensi temporibus Innocentii III. ut refert Vghel. tom. 2. *Italia Sacra*, fol. 376. De Ecclesia Ferrarensi aliqua adduxi in *cap. cum M.* de const.
- (b) *Quadam Decretali.*] Suprà relata in *cap. cum Marthe.*
2. (c) *In phlegma.*] Prima enim opinio in illa vexata quæstione, de aqua vino in calice mixta convertenda immediate, vel mediate in sanguinem Christi, antiquorum Theologorum fuit, vinum infusum calici converti in sanguinem, & aquam in humorem phlegmaticum, quem de latere Christi exiisse dicebant. Quæ opinio merito damnatur ab Innocentio III. præfenti, ut erronea, quia tria contineat falsa: Primum, aquam non converti in vinum virtute ipsius; quod aperte adversatur recta Philosophia. Secundum, aquam nondum in vinum conversam, in humorem illum tranfire; nam quicquid convertitur in aliam substantiam, cùm sit consecratio, virtute verborum convertitur. Verba autem solum viam habent convertendi juxta veritatem significationis, ut vera redantur; nullum autem verbum consecrationis denotat aliquid, ad cuius veritatem necessaria sit conversio aquæ in humorem illum; siquidem illic solus fænum Christi significatur. Tertius error est, ex latere Christi non fluxisse veram aquam, sed phlegmaticum humorem, contra testimonium D. Joan. *cap. 5.* quod defide est, defendant cum D. Thoma 3. p. q. 66. art. 4. & q. 74. art. 7. ad 3. Theologib. Suarez tom. 2. in 3. disputat. 51. scilicet 1. & tom. 3. disp. 45. scilicet 4. Unde licet hac opinio à quibusdam Theologis tenetur, tamen ut improbabilem omisit Innocentius in d. *cap. cum Marthe*, §. quæsivisi, dum aliorum opiniones probabiles refert.

## C A P U T I X.

Idem (a) In Concilio generali.

**D**olentes referimus, quod non solum quidam minores clerici, verum etiam aliqui Ecclesiastum Prælati circa (b) comedationes superflues, & confabulationes illicitas, ut de aliis taceamus, medietatem noctis expendunt, & somno residuum rehuncientes, vix ad diurnum concordum avium excitantur, transcurrente undique continuatâ siccopâ Matutinum. Sunt & alii, qui Missarum solennia (c) vix celebrant in anno, & quod deterius est, interesse contemnunt: & si quando his evidenter intersunt, chori (d) silentium fugientes, intendunt exterritis colloquitionibus laicorum: dumque auditum ad indebitos sermones fundunt, aures intentas non porrigit ad divina. Hæc igitur, & similia sub (e) poena suspensionis penitus inhibemus, districte præcipientes in virtute obedientiæ, ut divinum (f) officium, nocturnum pariter, & diurnum, quantum eis Deus dederit, (g) studiosè celebrent pariter, & devote.

## N O T A E.

1. (a) *Generali.*] Lateranensi videlicet, celebrato sub Innoc. III. ubi *cap. 17.* reperitur textus: & in quarta collectione *sub hoc tit. cap. 2.* de quo Concilio nonnulla notavi in *cap. 1. de summa Trinit.*
- (b) *Comedationes.*] Comedatio est convivium, ubi more temulentorum, & ebrium jocatur, quæ omnijure exosa est, ut probavi in *cap. acrapulatum final. de vita & honest. Cleric.*
2. (c) *Vix in anno.*] Quam sacerdotum negligientiam semper condemnatum legimus in Ecclesia, & à Principibus secularibus. Concil. Tolet. 1. can. 5. relato *ib. 7. capitul. Caroli. cap. 161.* ibi: *Si quis Presbyter, vel diaconus, aut quilibet clericus Ecclesia deputatus, si intra civitatem fuerit, aut in quolibet loco, in quo Ecclesia est, & ad quotidianum psallendi sacrificium matutinis, vel vespertinois horis ad Ecclesiam non convenierit, deponatur a clero.* Et. *sancimus 42. §. 10. C. de Episc. & cler. Concil. Rhomag.* celebrato anno 1581. de presbyteris recens ordinatis ita cavetur: *Moneantur insuper, ut intra semestre sine alterius cupuscumque licentia Missam primam celebrent, & deinceps repeatant, saltem omnibus diebus Dominicis, & festis solennibus: si autem curam habuerint animarum, tam frequenter, ut suo munere satisfaciant.* Rhemeni *can. 8.* ita de Eu- D.D. Gonzal. in Decretal. Tom. III. Pars II.
- charistia: *Sacerdotes non diebus tantum solennibus, sed etiam Dominicis, sepiusque, si fieri potest, sacrificent.* Concil. Aquensis: *Curiatiter in hebdomada sacrum faciant, aut eo etiam sepius, si veloci consuetudo, vel necessitas crebriorem divinum sacrificium in iunctum postulabit.* Cetera etiam clericis præcipimus, ut singulis mensibus. Refert Joannes Fileac. *lib. 1. select. cap. 18.* Tales enim sacerdotes nulla ratione ita appellari possunt, quandoquidem verbi istius, *Sacerdotis*, nomine alia non est, juxta D. Isidorum *lib. 7. orig. cap. 12.* quam ex actione mystagogi; ita ut sacerdos à sacrificando vocetur. *Consecrat enim, & sanctificat,* ait S. Doctor, quidam à specie stat illud, quod docet B. Hieronym. *lib. 3. adversus Pelag.* dum Missam vocat quotidianum corporis Christi sacrificium; & certe non alia ratione B. Ambrosius *epist. 29. ad Theodosium Imper.* scribit, *Presbyteri gradu functos merito conqueri, quod per innumeros annos a manu sacro recrehantur, & curia deputentur.* Unde similis sacerdotes ignavos, & fôrdes peccare lethalerit, ex D. Thom. *in 4. lib. 3. disp. 13. q. 1. art. 2.* docuerunt Valent. *3 p. de Euchar. q. 10.* Theoph. *tom. 16. in Hetero. scilicet in princip. Vazquez p. disp. 232. cap. 1.* Sausay in Panopl. *sacerd. p. 2. lib. 1. cap. 12. & 3.* Thom. Hurt. *tom. 1. resol. mor. cap. 7. per tot.*
- (d) *Silentium.*] Quod in sacræ ministeriis summe convenit, ne dum peraguntur divina officia clamor

Ffff 3 clamor

clamor aliquis, aut strepitus interturbet. D. Ambrosius de virginibus, ibi : *An quidquam est indignius, quam oracula divina circumstrepit, ne audiantur, ne credantur, ne revelentur? Circumsonare sacramenta confusis vocibus, cum Gentiles idolis suis reverentiam facendo deferant?* Cæsarius quoque Arelat. magnas in cosdem jactat minas, dum homil. 34. ita scribit : *Qui in Ecclesia inepit, & incongruis fabulis occupatur, quasi venenum, & gladium reliquis hominibus ingerere, vel præbere cognotur, dum verbum Dei nec ipse audit, nec alios audire permittrit: qui enim talis est, & profusa, & pro aliorum destructione in die iudicii redditurus estrationem. Facit Seneca de vita beata, ad Gallonem, ibi : Et ipsam, & Deos professores ejus, & Antistites colitis.* & quando mentio sacrarum literarum intervenerit, faveat linguis. *Hoc verbum, non ut plerique existimant, à favore trahitur, sed imperatur silentium, ut rite peragi possit sacrum, nullamalè voce obstrepete.* Quintilianus declamat. 365. In templo vero, in quo verbis parcimus, in quo animos componimus, in quo etiam tacitum mentem nostram custodimus, pulsare velut in solitudine, velut in secreto quedam non est ferendum. Et in l. denunciamus, C. de his qui ad Eccles. configunt, vota convenient celebrari. Plura Brisonius de formulis lib. 1. pag. 8. Mornacius in d. l. denunciamus 4. Gazeus ad Cassianum lib. 2. instit. cap. 10. Ferrarius de ritu concionandi lib. 1. cap. 13. Novarinus lib. 2. schediasm. cap. 24. Cresfolius lib. 3. mystag. cap. 22. De reverentia, & modestia in Choro Ecclesiastico fervanda, plura congesit Hurtado de vero martyr, digress. 4. sect. 30.

4. (c) *Pœna suspensionis.* Quæ in præsenti non imponitur, sed comminatur, ut declaravit Honorius III. retribens Decano, & Capitulo Compostel. in cap. 3. de vita & honestat. Cleric. in s. compil. his verbis : [Consuluit tandem de clericis, qui choi silentium fugientes, intendunt externis colloquitionibus laicorum; dumque auditum ad indebitos sermones effundunt, aures intentas non porrigit ad divina: si quid de talibus in eodem Concilio noscitur institutum, canon fuit latæ sententia, vel ferenda. Ad quod breviter respondemus, quod pœnam illa constitutio non infligit, sed potius comminatur, & exprimit infligendam, quæ meritò ad illos extenditur, qui quamvis in choro inter celebrantes existant, sermonibus tamen illicitis, & linguis, & aures involunt, cum non solum in seipsis offendant, sed etiam aliis impedimento tales existant.]

5. (f) *Et divinum officium.* De quo egi in cap. 1. hoc tit.

(g) *Studiose.* Seu sapienter, ut exponunt PP. sanctus Basilius in regulis brevioribus, cap. 279. ibi : *Quid est, psallite intelligenter? Prorsus quod est in cibis sensus cuiusque cibi: hoc in verbis sacrorum litterarum est intelligentia: guttur enim est, gustu dijudicat; mens autem intelligentia verba discernit. Si quis igitur ad vim verbi cuiusque animo etiam ita simul afficiatur, quemadmodum gustatu ad qualitatem cuiusque cibi, prorsus hic mandato illsatisfacit, quod est: Psallite intelligenter.* Itaque psallere sapienter est cum attentione canere, non solum linguâ, verum etiam corde, & animo, ut ex D. Bernardo sermon. 7. in Canticum probat Haæphtenus lib. 7. disquisit. tract. 4. disquis. 7.

(h) *Et devotè.* ] Consentunt PP. Concilii Colon. anno 1536 p. 2. cap. Non sufficerit autem preconciliari constitutione cantum est, presbyter ex intimo affectu, elevataque mente in solum Deum nocturnum hoc, diurnumque sua servitutis pensum exsolvat. Sanctus Benedictus in sue regula, ibi: Secundum ad psallendum, ut mens nostra concorde vocis nostra. S. Basilis in admonit. ibi: Ne diffonans sic à sono vocis sua sensus tuus, sed in lingua verba vigil intendat. Et D. Ambrosius lib. 6. de sacrament. cap. 8. ibi: Non de labiis tantum modo tua procedatoratio, animo totus intendit impetrare, non te perfectorum videatille, cui placere desideras: videat, quia ex corde oras, ut ex corde orantem dignetur audire. S. Augustinus cap. 9. sua regula, ibi: Psalmis, & hymnis, cum oratis Deum, hoc versetur in corde, quod preferit in voce. Unde attentionem in canonicis horis personis desiderari Sancti PP. incultum, præcipue D. Cyprianus in lib. de orat. Dominicæ, ibi: Quando stamus ad orationem, vigilare, & incumberi ad precem toto corde debemus, cogitatio carnis omnia, & secularia abcedat, nec quidquam tunc aliud animus, quam id solum cogiter, quod precaretur. Et rursus: *Quæ segnitia est alienari, & rapinari cogitationibus, & prophaniis, cum Dominum deprecari, quæ sit aliud, quod magis debeat cogitare, quam quod cum Deo loqueris?* Quomodo te andrai à Deo postulas, cum te ipse non andas. *Vix esse Deum memorem tui cum rogas, quando tu ipse memor tui non sis?* Hoc est, ab hoste in totum non care: hoc est, quando oras Deum, magis sciem Dei negligenter offendere: hoc est, vigilare oculis, & corde dormire? Hæc attentionem autem variè considerari solet, quia attendere possumus ad verba tantum, ad sensum verborum, sive literalem, sive spiritualem, & mysticam, vel ad Deum nobis præsentem, Christumque horarum mysteriis representatum, vel ad res quæ petuntur: verbi gratia castitatem, humilitatem, charitatem, divinam gratiam, æternam gloriam, ut post D. Thomam 2. 2. quæst. 83. artic. 3. docent Cajetanus in summa, verbo Hora, num. 9. Bravo ad regul. D. Benedicti, segmento 21. P. Mendo in statuta, disserr. 7. q. final. Prado tom. 2. Theolog. moral. cap. 30. quæst. 8. §. 2. Deinde attentione duplex est: alia formalis, sive actualis: alia virtualis. Formalis dicitur cum quis actu, & re ipsa considerationem retinet circa unam ex qua duabus jam enumeratis. Virtualis vero est, quæ censetur manere ex vi, & ratione proprii, quo quis se applicuit ad orandum, volens uno ex quatuor illis modis attendere. Quæ intentio moraliter perleverat, donec vel expresse, vel implicitè revocetur. Quibus suppositis juxta communem Moralistarum sententiam dicendum est, quamlibet ex predictis attentionibus, etiam virtualem, sufficere ad implendum præceptum de horis canonice, licet faluberrimum sit per inferiorum attentionum modos, tanquam gradus quosdam, adsuperiores, divinamque contemplationem nitit.

Illud tamen in præsenti difficile est, quomodo actione interea lege positiva præcipitur, cum actus dispositio interne per se imperari non possint à jure possepositivo, cap. sicut tuis, cap. tua nos, de simonia, dem. lib. cap. si quando 15. q. 6. cap. confusione 2. q. 1. cap. Christiana 32. q. 5. cap. ornamento 32. 2. dist. cap. cogitationis, cap. cogitatio, de panis, dist. 1. Qui cano-

canones etiam sacrae paginae testimoniis firman-  
turi; nam lib. 1. Regum, cap. 16. num. 67. legitur:  
*Homines vident ea, quae patent, Deus autem intue-  
tur cor. Et 1. ad Corin. cap. 4. vers. 5. Nolite an-  
te tempus judicare, quoniamque veniat Dominus, qui  
& illuminabit ab conditatem ebrarum, & manifes-  
tabit consilia cordium. Rationem ex Aristotele lib. 10.  
Ethicor. cap. ult. reddit D. Thomas 1. 2. q. 100.  
artic. 9. in corpore; videlicet illud solum cadere  
sub præcepto, ad quod faciendum lex cogere  
potest; nisi enim vis coactiva conjuncta sit cum  
potestate legislativa, inutilis sanè erit hæc po-  
testas, & lex ab ea lata nihil efficiet, si cogendi  
vim non habeat: sed ad actus internos homo  
ab homine cogi nequit, quia solum eo modo  
homo hominem cogere valet, quo cum eo  
agere more humano potest; quia humana mos  
operatio est sensibilis, corporea, & externa. Nam  
spiritualis separata à materia sensibili, ad Ange-  
los, vel ad animas separatas pertinet: latè prob-  
ant Castro *de lege pœn.* lib. 2. cap. final. Bellar-  
minus tom. 1. lib. 4. de potest Pontif. cap. 20. &  
lib. 3. de laicis, cap. 11. Suarez lib. 3. de legibus,  
cap. 13. num. 2. & lib. 4. cap. 12. num. 4. Sanchez  
in Decal. lib. 6. cap. 2. num. 6. Vazquez 1. 2. dis-  
put. 160. cap. 2. Salas de legibus tractat. 1. dis-  
put. 9. secl. 1. num. 3. Azor p. 1. infit. lib. 5. cap. 10. Co-  
var. in cap. alma mater, p. 1. §. 11. & in regula Pecca-  
tum, p. 2. num. 7. Gutierrez lib. 2. canonic. cap. 13.  
Franc. Valens in concord. juris, 2. p. dis-  
put. 4. q. 1. secl. 5. Igitur devotio, quæ spectat ad actum in-  
ternum, non potest per Ecclesiæ præcipi in præ-  
fenti clericis recitantibus horas canonicas. Huic  
difficultati ut satisfaciant Hoftiensis, Abbas, Joan.  
Andreas, Ancharanus, & Butrius hic, Durandus  
in 4. dis-  
put. 15. queft. 12. num. 6. Paludanus ibidem,  
queft. 5. artic. 2. conclus. 4. Angelus in summa, ver-  
bo Flora, num. 27. Syluester eodem verbo, queft. 11.  
Rosella, & Tabiena eod. verbo, §. 3. affirmant,  
in præsenti quoad devotionem, & attentionem  
internam non dari præceptum, sed consilium;  
vel solum Innocentium requirere in orante re-*

mitionem externi impedimenti, per quod inte-  
rior devotio tollatur: quod colligunt ex illis  
verbis: *Quantum eis Deus dederit. Hanc solu-  
tionem sequuntur, & latius explicant Lessius de  
justitia lib. 2. cap. 37. num. 63. Vazquez d. dis-  
put. 60. cap. 5. num. 27. Franc. Valens d. queft. 1. secl. 7.*  
qui etiam aliis duobus modis responderi posse  
credit. Primiò afferendo, attentionem necessaria-  
riam esse ad satisfaciendum præcepto Ecclesiæ,  
quatenus oratio externa, ut est actus humanus,  
& liber, cum advertentia ex parte intellectus re-  
quiritur ab Ecclesiæ, hoc modo actum interio-  
rem indirectè, & per accidens ab humano jure  
imperari. At in eventu non est actus interior  
per accidens conjunctus cum exteriori, sed per  
se, qui enim sine attentione de industria reci-  
tat per actum liberum humanum, non vult illam  
actionem humano more, & liberè fieri. Deinde  
respondeatur, quod quoiescunque potestas hu-  
mana præcipit aliquam externam operationem,  
qua ut honestè fiat, certum aliquem modum,  
formamque requirit ex parte actus interioris,  
non per se requirit, sed per accidens conjuncti,  
ad quem hæc potestas extendi non valet de jure  
naturali, subiicit obligatio adjungendi neces-  
sarium, ne peractum in honestum præcepto satis-  
faciamus: nam legis materia semper debet esse  
honestæ, & ut talis præcipitur. Unde dum Ecclesiæ  
jubet sacris ordinibus initiatum, vel beneficia-  
rium horas canonicas recitare, cum Ecclesiæ non  
possit jubere nisi actionem honestam, ex hujus  
præcepti impositione de recitatione externa, de-  
vota, & studiosa sequitur obligatio naturalis ad-  
jungendi attentionem ad illam externam oratio-  
nem; siquidem honesta non est, si attentione ca-  
reat: late probant Thom. Bennus *de offic. inquis.*  
p. 1. dubit. 13. secl. 14. Mendo d. q. final. Et quandiu  
hac attitudo necessaria ad honestatem actionis  
tempore debito non conjugitur cum externa  
oratione, semper obligatio superest officium repe-  
tendi, quoisque statutum tempus elaboratur, ut la-  
tius prosequitur Franciscus Valens dicta secl. 7.

## C A P U T X.

Honорий III. (a) *Eidem.*

**S**anè cùm olim. *Et infra:* Ne de cætero propter incuriam (b) sacerdotum in in-  
devotos divina indignatio gravius exardecatur, districte præcipiendo mandamus,  
quatenus à sacerdotibus Eucharistia in loco (c) singulari, mundo etiam, & signato  
semper honorificè collocata, devotè, & fideliter conservetur. Sacerdos vero quilibet  
frequenter doceat plebem suam, ut cùm in celebratione Missarum elevatur (d) hostia  
salutaris, quilibet se reverenter (e) inclinet, idem faciens, cùm portat (f) presbyter Eu-  
charistiam ad (g) infirmum, quam in decenti habitu, superposito mundo (h) velamine  
ferat, & referat manifestè, ac (i) honorificè ante pectus, cum omni reverentia, & timore,  
semper cum lumine præcedente, cùm sit candor lucis æternæ, ut ex hoc apud  
omnes fides, & devotio augatur. Paleti autem hujus mandati graviter punire  
non differant transgressores, si & ipsi divinam, & nostram velint effugere ultio-  
nem. Vos autem sic observari faciatis prædicta, quod non efficiamini vindictæ parti-  
cipes, sed coronæ.

## N O T A E.

(a) *Idem.*] Ita etiam legitur in quinta compila-  
tione Honorii III. sub hoc tit. cap. 1. nulli-

bi tamen exprimitur cui rescribat Pontifex: &  
cùm in textu antecedenti, qui est sub titul. de  
consecrat. Eccles. vel altaris, rescribat Honorius  
Reginae Hungariae, hæc inscriptio non convenit  
Ffff 4 præ-